

Vorrede.

köndte / so die ganze lehr vom Feldmessen sein richtig / aus warem grunde zusammen bracht / vnd jedermanniglich zu nutz an Tag gegeben würde / Damit hinfürder viel vnrichtigkeit vnd hader / so durch vngegründte Feldmesser entstanden / nach dieser Richtschnur köndten abgelehnet vnd vorkommen werden / Welches mich denn bewogen / solcher arbeit dem Vaterlandt zum besten zu unterwinden / vnd die ganze lehr / vom abmessen vnd theilen / zusammen zubringen / Darin ich das mit warheit zeugen vnd darthun kan / wird es auch ein jeder verstendiger also befinden / Das hierinn nichts gesetzt / denn das seine gewisse vnwiderprechliche Demonstrationes habe / Vnd die dermassen auff die *fundamenta Geometrica* gegründet sein / das sich wol menniglich auff das / so er nach der lehr dieses büchleins finden wird / künzlich verlassen vnd darauff fussen darff.

Vnd ob jemandt mir fürwerffen würde / Es wehre diese lehr albereit in Griechischer / Lateinischer / vnd Deutscher Sprach / dem gemeinen man zu nutz an Tag gegeben / vnd derwegen ohne noth gewesen / solche lehre auff's newe zu handeln / Dem wil ich künzlich hiemit antworten.

Das ich bekenne / das von dieser lehr / in allen
Dreym